

# Piniarneq aallaaniarnerlu pillugit Inatsisartut inatsisaata allangortinnissaa pillugu Inatsisartut inatsisaat

(Akiliisitsilluni aallaaniarnermik aqqissuussisartunut najugaqartussaataitanermut piumasaqaatip ukiunit marlunnit ukiunut tallimanut sivitsorneqarnera kiisalu qinnuteqarnermi immikkut ittumik akuersinissamut malittarisassat nutarneqarnerat, kiisalu akuersissummik qinnuteqarnermi immikkuullarissumik najugarisaq pillugu uppernarsaasiinissamik erseqqissaaneq)

## § 1

Piniarneq aallaaniarnerlu pillugit Inatsisartut inatsisaanni nr. 34, 13. juni 2023-meersumi tulliuttut allangortinneqarput:

1. § 16-ip kingorna ikkunneqarpoq:

” § 16 a. Inuit Kalaallit Nunaanni akiliisitsilluni aallaaniarnermik aqqissuussisartut nammineersinnaassuseqassapput aamma:

- 1) Kalaallit Nunaanni inuiaqatigiinnut aalajangersimasumik attuumassuteqassapput,
- 2) ukiuni kingullerni tallimani Kalaallit Nunaanni aalajangersimasumik najugaqarsimassallutik,
- 3) ukiuni kingullerni tallimani Kalaallit Nunaanni tamakkiisumik akileraartartussaataasimassapput aamma
- 4) akiliisitsilluni aallaaniarnermik ingerlataqartut nunap immikkoortuani aqutsiveqarfusumi piniarnermut aallaaniarnermullu atortunik pisariaqartunik pigisaqassapput, tassani ilaallutik angallat, qamut motoorilik aammalu unnuiffusinnaasut,”

2. § 10 imatut oqaasertalerneqassaaq:

§ 10. Naalackersuisut immikkut akuersissuteqarsinnaapput:

”1) §§-it 7-9-mit aamma § 16 a, nr. 1-3-mit, inuk pineqartoq piffissani taaneqartuni ilinniarnermik assigisaannilluunniit peqquteqartumik Kalaallit Nunaata avataaniikkallarsimappat imaluunniit

qinnuteqartup Kalaallit Nunaannut attuumassuteqarnera naammaginartutut nalilerneqarpat,  
2) § 7, imm. 1, nr. 5-miit aamma § 8-miit, inunnt manna tikillugu inuussutissarsiutigalugu aalisarnermik,  
piniarnermik aallaaniarnermillu pingaarnertut inuussutissarsiutitut ingerlatsisimangitsunut,  
3) § 7, imm. 1, nr. 5-mit aamma § 8-mit, isertitat amerlassusissaat pillugu piumasaqaatit  
eqquutsinneqannginnerinut pissutsit immikkut ittut sunniisuusut atuussimanerat  
upernarsarneqarsinnaappat,  
4) § 7, imm. 1, nr. 5-mit aamma § 8-mit, inunnt siusinnerusukkut inuussutissarsiutigalugu aalisarnermik,  
piniarnermik aamma aallaaniarnermik pingaarnertut inuussutissarsiutigalugu ingerlataqarsimasunut,  
tamanna piniarneq pillugu qarasaasiatigut toqqortaatinut upernarsarneqarsinnaappat, aamma  
5) § 7, imm. 1, nr. 4-mit, inunnt 18-it inorlugit ukiulinnut piniarnermut aallaaniarnermullu  
atortulersuutinik pisariaqartunik pigisaqartunut sunngiffimmilu piniarsinnaanermut atuuttumik  
allagartalinnut.”

3. § 13, imm. 7, imatut oqaasertalerneqassaaq:

” Imm. 7. Inuk pineqartoq akuersissummik tunniussisoqarnissaa sioqqullugu aqutsiveqarfimmi  
aalajangersimasumi qinnuteqarfusumi najukkami anginerusumi mikinerusumiluunniit sivikinnerpaamik  
qaammatini pingasuni ataavartumik najugaqarsimassasoq piniakkanut pisassiiffusartunut akuersissummi  
aamma inuussutissarsiutigalugu piniarnermut akuersissummi piumasaqaateqarfusinnaavoq.”

## § 2

Inatsisartut inatsisaat 1. januar 2025-mi atuutilissaaq.

Imm. 2. Inatsisartut inatsisaata atuuttunngornissaa sioqqullugu inatsit naapertorlugu  
pissarsiarineqarsimasut, akiliisitsilluni aallaaniartitsisinnaanermut akuersissutinut Inatsisartut inatsisaat  
atuutinngilaq.

*Namminersorlutik Oqartussat, ulloq 25. novembari 2024*

**Múte Bourup Egede (atsior.)**

Naalakkersuisut Siulittaasuat

**Namminersorlutik Oqartussat**

Imaneq 4

3900 Nuuk

E-mail: [nsninatsit@nanoq.gl](mailto:nsninatsit@nanoq.gl)

Linkit iluaqutaasussat

Kalaallit Nunaanni inatsisinut nalunaarutit  
Namminersorlutik Oqartussat inatsisinut toqqorsiviat  
Naalakkersuisut